

ცხინვალის რეგიონი - ისტორია და თანამედროვეობა (გამონვევები და პერსპექტივები)



ა.წ. 23-24 აპრილს სრულიად საქართველოს კათოლიკოს-პატრიარქის, უწმინდესი და უნეტარესი ილია II-ის ინიციატივითა და ლოცვა-კურთხევით, საქართველოს საპატრიარქოს ქართველოლოგიური კვლევის ცენტრის თანადგომით და ახალგაზრდა მკვლევართა ორგანიზებით, საქართველოს საპატრიარქოში ჩატარდა ორდღიანი კონფერენცია - „ცხინვალის რეგიონი - ისტორია და თანამედროვეობა (გამონვევები და პერსპექტივები)“.

ღონისძიებას ესწრებოდნენ საპატრიარქო ტახტის მოსაყდრე, სენაკისა და ჩხოროწყუს მიტროპოლიტი შიო (მუჯირი), სრულიად საქართველოს კათოლიკოს-პატრიარქის ქორეპისკოპოსი, ახალციხისა და ტაო-კლარჯეთის მიტროპოლიტი თეოდორე (ჭუაძე), ნიქოზისა და ცხინვალის მიტროპოლიტი ისაია (ჭანტურია), მანგლისისა და თეთრიწყაროს მიტროპოლიტი ანანია (ჭაფარიძე), მარგვეთისა და უბისის ეპისკოპოსი მელქისედეკი (ხაჩიძე), სრულიად საქართველოს კათოლიკოს-პატრიარქის მდივანი დეკანოზი მიქაელ ბოტკოველი, საქართველოს სახელმწიფო მინისტრი შერიგებისა და სამოქალაქო თანასწორობის საკითხებში, ქ-ნი თეა ახვლედიანი, სასულიერო დასისა

და სამეცნიერო წრის წარმომადგენლები, სტუდენტები და დაინტერესებული პირები.

კონფერენცია გახსნა და შეკრებილ საზოგადოებას მისი უწმინდესობის ლოცვა-კურთხევა გადასცა სრულიად საქართველოს კათოლიკოს-პატრიარქის მდივანმა, დეკანოზმა მიქაელ ბოტკოველმა.

დამსწრეთ სიტყვით მიმართეს საპატრიარქო ტახტის მოსაყდრემ, სენაკისა და ჩხორონწყუს მიტროპოლიტმა შიომ (მუჭირი), სახელმწიფო მინისტრმა შერიგებისა და სამოქალაქო თანასწორობის საკითხებში ქ-ნმა თეა ახვლედიანმა, ყოფილი სამხრეთ ოსეთის ავტონომიური ოლქის ტერიტორიაზე დროებითი ადმინისტრაციულ-ტერიტორიული ერთეულის ადმინისტრაციის ხელმძღვანელმა, ბ-ნმა თამაზ ბესტაევმა, აფხაზეთის ავტონომიური რესპუბლიკის იძულებით გადაადგილებულ პირთა მინისტრმა ბ-ნმა დავით ფაცაციაძე, ნიქოზისა და ცხინვალის მიტროპოლიტმა ისაიამ (ჭანტურია).

მომხსენებელთა შორის იყვნენ: რეალური ისტორიის დამდგენი საპატრიარქოს მუდმივმოქმედი კომისიის თავმჯდომარე, ტექნიკური უნივერსიტეტის თეოლოგიის სასწავლოს სამეცნიერო ცენტრის ხელმძღვანელი, პროფესორი მიტროპოლიტი ანანია (ჭაფარიძე), როლანდ თოფჩიშვილი – ისტორიის მეცნიერებათა დოქტორი, გელათის მეცნიერებათა აკადემიის აკადემიკოსი, გივი ღამბაშიძე – ისტორიის მეცნიერებათა დოქტორი, ქეთევან პავლიაშვილი – ისტორიის მეცნიერებათა დოქტორი, პროფესორი, ზვიად ზვიადაძე – სახელმწიფო მინისტრის აპარატის აფხაზეთის ავტონომიური რესპუბლიკის და ყოფილი სამხრეთ ოსეთის ავტონომიური ოლქის საკითხთა დეპარტამენტის უფროსი, ოთარ ჯანელიძე – ისტორიის მეცნიერებათა დოქტორი, პროფესორი, ზაზა ცოტნიაშვილი – კავკასიის საერთაშორისო უნივერსიტეტის პროფესორი, ლავრენტი ჯანიაშვილი – ისტორიის მეცნიერებათა დოქტორი, აპოლონ თაბუაშვილი – ისტორიის დოქტორი, ასოცირებული პროფესორი, ნოდარ აბესაძე – სოციალურ მეცნიერებათა დოქტორი, ნათია ჯალაბაძე – ისტორიის დოქტორი, გელა ქისტაური – ისტორიის დოქტორი, ივერ მერკვილაძე – თეოლოგიის მაგისტრანტი, სალომე მელაძე – ხელოვნებათმცოდნეობის დოქტორანტი, მარიამ ხინთიბიძე – ისტორიკოსი, ჰუმანიტარულ მეცნიერებათა მაგისტრი.

კონფერენცია მიზნად ისახავდა ცხინვალის რეგიონის როგორც ერთიანი საქართველოს ძირძველი ნაწილის ისტორიის, კულტურის, ეთნოგრაფიის, ხუროთმოძღვრების ძეგლების წარმოჩენას, თანამედროვე მდგომარეობისა და კონფლიქტთან დაკავშირებული საკითხების განხილვას და თემის პოპულარიზაციას.



































patriarchate.ge